


La bruixa de Casa Manzana



CURSO 2020-2021

Daniel Bielsa Ferrer

Clara Ferrer Guillén

Igor Andrés Ballarín

Leo Gabás Calvert

Marina Luaces Catalán

Tomás Bielsa Güell

Carmen Sabariego Rodríguez

Izarbe de Mur Bruned

Alicia Ferrer Guillén

Mayestra d'aragonés


Sonia Gabás Ballarín

Diseño y maquetación: Publicomp

Edita: Gobierno d'Aragón. Dirección Cheneral de Política Lingüística

D.L.: Z 1467-2021

La bruixa de Casa Manzana





En el lugar de San Chuan abeba una casa que se deziba Casa Manzana, yera una casa chiqueta, al canto teneba una borda y un corral.

En ixa casa viviba una güela con una ripa de mixins. Conoixeba prou bien las plantas y es ingüentos ta curar a la chen.



Un diya se va discutir con es suyos vezinos y estes se van pensar que es maldeziba con firmes reparallos.

La chen del lugar van emezzipiar a meter-se mala, van pasar es diyas y va plegar l'ibierno.



La golica de casa manzana no saliba. Teneba la puerta trancada, ya no fumiaba la chuminera, ningún la vieba per las carreras, tampó es mixíns negros pe'l corral. La chen yeran preocupaus de que no l'ese pasau bela cosa.



Es vezinos van dir a viyer a un curandero. Las parolas d'iste van estar ¡¡Que yeran embruixaus!! Que cuan la bruixa se morise, se les pasarían toz es mals.



Como no l'eban visto en to l'ibierno, uns cuantos ombres y mullers van dezidir ir-ie a viyer-la. Dimpués de trucar firme y chilar dende la carrera, les va ubrir la puerta, es va convidar a puyar ta la cozina y cuan yeran toz sentaus en las cadieras, se va azercar una ninona y le va dezir a golica: ¡¡Que les sacase la maldizi3n!!



La golica les va dezir que ella no yera una bruixa, que lo que feba yera curar a la chen enferma. Que si belún no se trobaba bien que le'n dezise que faría to lo que podese con las suyas mans y es ingüentos que sabeba ta que curasen. El vezino no sabeba a quí creyer-se, pero la golica le va fer uns ingüentos ta que se curase.



Pocos diyas dimpués es vezinos ya yeran curaús de tot y van tornar ta Casa Manzana a dar-le las grazias a la golica.



Bel ombre que va puyar ta la cozina se va trobar que la golica no i yera. El cuarto d'es ingüentos el teneba tot pero... ¡Golica abeba desapareixiu!! Solo se viyeba un mixín negro, que, dende alavez, siempre va dir al canto d'ixe ombre.

Cuenta la leyenda que uei encara se vei a un d'es mixíns de golica rondiendo per Casa Manzana.



ARAGÓN

www.lenguasdearagon.org

 **GOBIERNO
DE ARAGON**